

Gvangjsih Minzcuz Bau

ganhhau: CN45-0036 B.2020 Nd.3 Ng.11 liggaueq gengcej nienz ndwengeih cibbet

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3414 期

Bingzloz Yen Netsaed Guh Ndei Hong Saw Vah Minzcuz Vunznoix

Bi 2019 doxdaeuj Bingzloz Yen nyinhcaen gvancez doeksaed 《Aen Diuzlaeh Hong Saw Vah Minzcuz Vunznoix Gvangjsih Bouxcuengh Swcigih》(bailhaj genjdanh heuh 《Diuzlaeh》), netsaed doicaenh guh ndei hong saw vah minzcuz vunznoix.

Daezsang roxyiuj, doicaenh 《Diuzlaeh》doeksaed, aen yienh neix iugouz gak danhvei aeu caenh'itbough gyagiengz cujiz lingjdauj hong saw vah minzcuz vunznoix, aeu hagsib senhconz gvancez 《Diuzlaeh》guh hangh yinvu youqgaenj ndeu, lied haeuj gak danhvei hong ngoenznaengz bae, cauh'ok gij heiqfaenh noengz-nwd hag 《Diuzlaeh》、yung 《Diuz-

laeh》; doengzseiz, iugouz daengx yienh gak gihgvanh swyez danhvei、yinzminz donzdij daengj danhvei yung seiz gihgou gajgwz, ciuq seiz ciuq biucinj iugouz guhsat hong fanhoiz、gaekguh caeuq venjbaiz, gak aen danhvei guh aenyaenq baiz miz Cuengh Gun song cungj saw.

Gyalai senhconz, cauh'ok hagsib heiqfaenh. Aen yienh neix cungfaen yung "sam nyied sam Bouxcuengh" "ndwen senhconz minzcuz doxgiet cinbu" daengj gij hozdung ngoenzciet youqgaenj, haenqrengz guh senhconz. Doenggvaq Bingzloz sinhvwnz、Bingz-loz bingzdaiz caeuq swmeizdij daengj bingzdaiz gyalai senhconz, senhconz

fuengsik lai yiengh, cingzyauq yienh-da.

Yawjnaek baujhoh, haenqrengz swncienz vahgangj. Lienzhab yienh gyauyuz bouhmonz youq Dafaz Yauzcuz Yangh Cungsim Hagdangz cauhlaeb aen hagdangz guhyiengh son'gyauq minzcuz vwnzva, hailaeb dangzgoq Vahyauz, aeu hag Vahyauz liedhaeuj sonhag neiyungz bae; yienh minzcungh bouhmonz cawjdoengh hengz cizcwz, gaenxmaenx haiguh hong soucomz vah minzcuz vunznoix, hwnj-laeb aen cang vah minzcuz vunznoix, vih swncienz baujhoh saw vah minzcuz vunznoix roengz giek.

(Cwz Veijyez)

SIUSIK DINJ

● Ndwen 3 ngoenz 5, ngoenz geiqniemh hag Leiz Fungh, Lozyez Yen Fulenz vih hoizsoeng gij vwndiz seizneix makgamdiengz gai mbouj ok, cujiz aendoih fugsach boux-gagnyienh mehmbwk, cawjdoengh caeuq vunz ndaem mak lienzhaeh bang mbaet sou, caemhcaiq leihyungh aen gunghcunghauh fulenz, yung veihsin doisoengq hawj gyoenq vunz lai, yung gij hengzdoengh saedsach saed-hengz gij sawjmingh goeknduj mehmbwk.

(Banh Gyahvei)

● Seizneix cingq dwg seizciet nyaengq dajndaem, Ningzmingz Yen gyoengq vunzguhnaz ciengj seiz guh hong, cietsaed gyavaiq yamq-din dajndaem haeuxcaux bineix. Ciuq cam rox, Ningz-mingz Yen gungh dajndaem haeuxnaz najdieg 1.07 fanh gunghgingj, dwg aen yienh guhyiengh cauhlaeb haeuxnaz canjliengh sang guekgya gaep caeuq aen yienh senhcin dajndaem haeuxgwn daengx guek, binaengz haeuxgwn canjliengh 10 fanh dun baedauq.

(Cauh Yizganh)

● Ndwen 3 ngoenz 2 daengz ngoenz 3, Yungzsuuj Myauzcuz Swciyen Gijveij、Fulenz bae daengz Mbanjvuh-yingh Mbanjmyauz gapgyaiq Gvangjsih Gveicouh haiguh aen hozdung "simndei aeu dinfaexmak soengq daengz Mbanjmyauz", giensoengq buek makgaemjgaet、mak-maenj、makgam daengj din-faex ndeu hawj ranzungzhoh. Lauxhangz dajndaem mak Yungzsuuj、Yungzanh Yen daengz dieg son dinfwngz dajndaem guenleix mak.

(Vangz Yaubangh)

● Seizneix cingqdwg seizciet dajndaem, Yinhcwngz Yen guh ndei yawhfuengz binghraq doengzseiz, gaenx-maenx sonyinx vunzguhnaz haiguh hong bwh seizcin dajndaem, haenqrengz guh ndei haeuxyangzcid、gonengz-nuengx、makbakhom、gueng vaizbiz、gueng yiengzbiz daengj daegsaek bangfuz canjnieb hwnghat, vih daengx bi guhhong nungzyez roengz giek maenh.

(Lanz Cunhcingh)

Sanhgyangh:

Fwngzmbaeu Hag Raed Ceij Anggyangz Coux "Sam Bet"

Ndwen 3 ngoenz 6, Sanh-gyangh Duncuz Swciyen Yenveij Senhconzbu caeuq Aen Cungsim Yungzmeizdij Ndw Yienh lienzhab ganbu cizgungh mehmbwk hai dangzgoq dinfwngz "hag feihyiz · coux sam bet", son raed ceij caeuq dajsiuq daengj dinfwngz feihyiz, roxnyinh gij yinxdaeuz conzdungj minzsuz vwnzva, angqcoux ciet mehmbwk "sam bet". Ndw doz dwg boughag cingq raed ceij.

(Vuz Lenyinh/吴练勋)



Denhngoz Ciengj Doenghgij Canjnieb Miz Daegsaek

Ndwen 3 ngoenz 5, youq aen hoih hong nungzyez lajmbanj bi 2020 Denhngoz Yen hai haenx, aen yienh neix yenveij、cwngfuj cingjhab gij ngaenz gih、si、yienh sam gaep caizcwng ciengjbouj 1000 fanh maenz, ciengj 35 aen dieg (suen、diemj) guhyiengh canjnieb daegsaek daihneix caeuq 4 aen hozcozse ciennieb vunzguhnaz, neix dwg baez ciengj ceiq hung、ngaenz ceiq lai Denhngoz ciengj "sam nungz".

Baez neix Denhngoz Yen ciengjbouj 35 aen dieg guhyiengh canjnieb daegsaek daihneix hamz miz bi 2019 swcigih gaep dieg guhyiengh cehsim nungzyez daegsaek daihneix 2 aen、bi 2019 Hozciz Si dieg guhyiengh yienh gaep nungzyez daegsaek daihneix aen ndeu、bi 2019 Denhngoz Yen suen

guhyiengh yangh gaep nungzyez daegsaek daihneix 8 aen caeuq bi 2019 Denhngoz Yen diemj guhyiengh cunh gaep nungzyez daegsaek 24 aen. Doengzseiz ciengj swcigih gaep aen hozcozse doxgap vunzguhnaz 4 aen.

Geij bi neix daeuj, Denhngoz Yen giengzvaq dangj cienzmienh daiqlingx hong lajmbanj, aeu hong "sam nungz" baij youq dieg youqgaenj, dungjcouz guh ndei gij yinvu youqgaenj dwkhingz cienzmienh hwnjguh baenz aenbiengz siujganh、dwkhingz vut gungz gung-geng, haenqrengz doicaenh hwnjguh lajmbanj goenggungh giekdaej sezsih, guh ndei lajmbanj goenggungh fugsach, bouj caez banjdin, lai cungj banhfap caez yung guh ndei "sam nungz" hwnghat giekdaej. Doengzseiz gaem

maenh aen seizgei cauhguh dieg guhyiengh cehsim canjnieb daegsaek daihneix, yung ndei gak loh cwngcwz, doidoengh hwnghat guh hung daegsaek canjnieb, coicaenh nungzyez demyauq、vunzguhnaz laisou, vih giengiet dwk-hingz ciengz ciengq vut gungz gung-geng caeuq cienzmienh hwnjguh aenbiengz siujganh dwk roengz giekdaej maenh saed.

Daengz seizneix, Denhngoz Yen gungh hwnjguh baenz swcigih gaep dieg guhyiengh nungzyez daegsaek daihneix 6 aen、yienh gaep dieg guhyiengh nungzyez daegsaek daihneix 5 aen、yangh gaep suen guhyiengh nungzyez daegsaek daihneix 21 aen、cunh gaep diemj guhyiengh nungzyez daegsaek daihneix 78 aen.

(Vuz Sunghboh)